Institusi

Pengajian Melayu

Idea penubuhan Kolej Raffles dikenalkan pada tahun 1823 apabila Stamford Raffles mencadangkan penubuhan sebuah institusi sebagai pusat pembelajaran dan intelek. Namun, institusi berkenaan cuma diasaskan pada tahun 1928 dan pembukaan rasmi dilakukan pada tahun 1929 oleh Hugh Clifford, Gabenor Singapura. Richard Olaf Winstedt menjadi pengetua pertama dengan sistem pengajian selama tiga tahun dan dianggap lebih sistematik berbanding Kolej Perubatan King Edward VII.

Kewujudan institusi ini membawa idea kepada penubuhan universiti pada masa hadapan yang akan memenuhi keperluan pendidikan guru dan untuk ditempatkan di sekolah menengah, serta menawarkan latihan saintifik dan aspek teknikal yang beroreintaskan sebuah universiti (Laporan Suruhanjaya Carr-Saunders, 134. Lim Chung Tat, 2013:11-13). Justeru, Universiti Malaya ditubuhkan pada bulan Oktober 1949, apabila pertambahan pelajar dan keperluan semasa semakin mendesak. Universiti ini tertubuh dengan penggabungan Raffles College dan Kolej Perubatan King Edward VII.

Institusi Pengajian Melayu

Penubuhan awal institusi pengajian Melayu mempunyai sejarah yang panjang. Hal yang sedemikian ini tidak dapat lari daripada tuntutan masyarakat terhadap betapa perlunya ilmu sosial dan kemasyarakatan.

Menurut cadangan Suruhanjaya Carr-Saunders 1948 dalam memetakan pembangunan pengajian tinggi di Malaysia, antara lain mencadangkan agar Universiti Malaya sewajarnya menjadi tempat dan medan penggemblengan kebudayaan Melayu. Cadangan berkenaan membayangkan sebuah jabatan yang bukan sahaja memikul tanggungjawab pembinaan dan melestarikan kesaraan kerasasteran dan tradisi rakyat Melayu, tetapi bertindak memperhalus dan mempengaruhi pemodenan bahasa Melayu.

Penubuhan Jabatan Pengajian Melayu yang didiamkan haruslah berorientasikan asas kewarganegaraan dan kesaraan warisan, serta hala tuju dan masa hadapannya.

Pengajian Melayu


Namun, sebagai negara yang belum merdeka ketika itu, fokusnya berorientasikan kajian setempat dan belum lagi meluas ke alam Melayu. Selain itu, keperluan mendidik masyarakat,